



Societas Iesv Amatrix, Cultrix, Imitatrix, Christi Crvcifixi

Sandaeus, Maximilianus

Antverpiae, 1647

138. Mortem sibi pro Christo crudeliter inferendam, manibus in Crucis formam, pectori appressis, velut Palmam complectitur, Gulielmus Saltamochius, Gallus, Coadjutor, Sutor.

Nutzungsbedingungen

[urn:nbn:de:hbz:466:1-55449](https://nbn-resolving.org/urn:nbn:de:hbz:466:1-55449)

AMATOR CRUCIFIXI

Mortem sibi pro Christo crudeliter inferendam, manibus in Crucis formam pectori appressis, velut palmam complectitur.

ANNO M.D.XCIII. periculosa fuerunt hominum Societ. JESV, ad fidē Catholicā conservandā & promovendā in Galliā excursionēs. Experti id sunt inter alios, Jacobus Salesius, de quo in superioribus, proprio titulo, & GVLIELMVS SALTAMUCHIVS, ejus Coadjutor, patriā Arvernus, opificio Sutor, annos octo & triginta natus, ē quibus duodecim Societati dederat. Utrumque Turnone peremerunt Calvinistæ carnibus per diem Sabbati religiosē abstinentes. Et Pater quidem sclopo & ensibus, Coadjutor verò pugionibus, transmissi sunt ad Palmam optatam. Quam ne solus obtineret ille, morientem complexus Salesium Gulielmus, obtestatus est, ne se Martyrii expertem desereret. Obtinuit, quod postulabat, & pugionibus confixus, inter moriendum, velut acceptā Palmā, manus in CRUCIS Formam pectori appressit, his se vocibus excitans: *Patere caro, patere ad tantillum temporis.* Atque ita ad cælum evolavit

138.

GVLIELMVS SALTAMUCHIVS
Gallus,
Coadjutor, Sutor, Gallus.

CRV-

CRVCIS amans spiritus.

Oddo Giffey peculiari libello de his duobus Annua Societ. 1593. Provin. Lugdun. Benz on. l. 2. c. 9. Gualter. in Tab. Chronog. Andr. Saussains in Supplem. Martyr. Gall. Iacobus Damian. Synopsi Societ. lib. 5. cap. 30.

IX.

AMATOR CRVCIFIXI

Christum in Passione alapis crudeliter caesum considerans, gaudenter pro eodem colaphos patitur.

139.

PETRVS
FERDI-
NANDVS
Lusitanus
Coadjutor
Faber lignarius.

ANNO M. D. LXXI. duodecim^e Societate IESV in itinere Brasiliensi, à Joanne Cadovillio Gallo Calviniano, pro CRVCIFIXI religione Catholica, quam disseminatum ibant in Brasiliam, interempti sunt. Hos inter fuit

PETRVS FERDINANDVS, Coadjutor, arte faber lignarius, qui cum colaphis caederetur, palpebrisq; distensis, paxillimento subjicerentur, aiebat, ad Dominum PASSVM converso sermone: *Quo meo merito mihi tribuis, ut pro te patiar Domine IESV?* Tum post multas injurias ad CRVCIFIXI exemplum fortiter perpeffas, projectus in altum merfus est.

Leo Henricq; Epist. propria inter Indicas Maffey Andr. Scot. in Vita Francisci Borgia libro tertio cap. 11. Iarric. tom. 2. rer. Ind. lib. 1. cap. 26. Surinus ad A. C. 1571. Vasconcell. p. 504. Benz on.